

ազատել զաղքատ աղքէն Ասորւոց 'ի բռնութենէ նոցին :
 Եւ 'ի Դամասկոս զօրացեալ Պապականաց արկեալ էին 'ի
 բանտ զԵպիսկոպոսունս Ասորւոց , և յաղդ առնել Պօղոսի
 Եպիսկոպոսի՝ գրեաց 'ի Կոստանդինուպօլիս վասն ազա-
 տութեան նոցին : Ի հասանիլ այսոցիկ թղթոց , գրեաց և
 ինքն Ստեփաննոս Պատրիարք և յայտ արար զինգիրս 'ի
 Դուռն եղեալ 'ի նմին եւ զաղերսագիրն Կաթուղիկոսին
 Ասորւոց , և և էառ նոր հրովարտակ վասն ազատութեան
 նոցին :

Ճարակունն ժանտախտին 'ի Կոստանդինուպօլիս և 'ի
 սահմանս նորա :

Զայսու ժամանակաւ անկեալ էր Երուսաղէմ՝ ընդ իշ-
 խանութեամբ Եգիպտական Կառավարութեան , ուստի զա-
 ռաջին հրովարտակն շինութեան Համբարձման տեղւոյն
 առաքեցաւ առ Փոյս Արքայն Եգիպտոսի Մէհէմմէտ Ալի
 Փաշայ , և նա յետ վաւերելոյ զայն՝ գրեաց և ինքն հրա-
 ման առ Դատաւորս Երուսաղէմի , զի անարգել գործադ-
 րեսցեն զհրամանն : Ի հասանիլ թղթոյն եղեւ ժողով 'ի
 դատարանին Երուսաղէմի , ուր էին կղերք Հայոց , Յունաց
 և Լատինաց , և ընթերցան 'ի լուր ամենեցուն զհրովար-
 տակն և զհրաման Փոյս Արքային , և հրաման ետուն Հայոց
 սկիզբն առնել շինութեան , և առեալ զփականս տեղւոյն
 'ի ձեռաց Յունաց և Լատինաց և ետուն ցՀայս , և սլա-
 տուիրեցին ճակատակիլ նոցա : Իսկ Պօղոս Եպիսկոպոս
 կացոյց վերատեսուչ 'ի վերայ գործոյն զԳաղատացի Իսա-
 հակ վարդապետ Տ . Գրիգորեան , որ վարէր յայնժամ ըզ-
 պաշտօն թարգմանութեան Աթոռոյն , և և էր ինքն այր
 բանիրուն և ճարտար 'ի խօսս և սիրելի ամենեցուն : Եւ
 նորա սկիզբն արարեալ շինութեան , նախ մաքուր քա-
 րամբք ետ յատակել զբովանդակ դաւիթ Համբարձման ե-
 կեղեցւոյն 'ի չրջապատս գմբէթին . ետ փորել ջրամբար
 մեծ 'ի կողմն հիւսիսոյ՝ որ և շինեալ աւարտեցին . նորո-
 գեցին զհին փօքր ջրամբարն 'ի հարաւ , և զգմբէթն Համ-
 բարձման ներքոյ և արտաքոյ . ապա զարդարեցին ջահլւք
 և լապտերօք և ամենայն եկեղեցական սպասուք , կանդ-
 նեցին սեղան սլատարագի 'ի վերայ չորից մարմարիոն
 սեանց , և եգին երկփեղկ դրունս ամուր փակաղակօք և